

Риёзус солиҳийн шарҳи / Риёзус солиҳийн шарҳи / 520-ҳадис

520 - وَعَنِ ابْنِ عُمَرَ رَضِيَ اللَّهُ عَنْهُمَا قَالَ: كُنَّا جُلُوسًا مَعَ رَسُولِ اللَّهِ صَلَّى اللَّهُ عَلَيْهِ وَسَلَّمَ؛ إِذْ جَاءَ رَجُلٌ مِنَ الْأَنْصَارِ، فَسَلَّمَ عَلَيْهِ، ثُمَّ أَدْبَرَ الْأَنْصَارِيُّ، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «يَا أَحَا الْأَنْصَارِ، كَيْفَ أَخِي سَعْدُ بْنُ عُبَادَةَ؟» فَقَالَ: صَالِحٌ، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «مَنْ يَعُودُهُ مِنْكُمْ؟» فَقَامَ وَقُمْنَا مَعَهُ، وَنَحْنُ بِضِعَةِ عَشْرٍ، مَا عَلَيْنَا نِعَالَ، وَلَا خِفَافٌ، وَلَا قَلَانِسٌ، وَلَا قُمُصٌ، تَمَشِي فِي تِلْكَ السَّبَاخِ، حَتَّى جِئْنَا، فَاسْتَأْخَرَ قَوْمُهُ مِنْ حَوْلِهِ حَتَّى دَنَا رَسُولُ اللَّهِ صَلَّى اللَّهُ عَلَيْهِ وَسَلَّمَ وَأَصْحَابُهُ الَّذِينَ مَعَهُ. رَوَاهُ مُسْلِمٌ [925].

520. Ибн Умар розияллоху анҳудан ривоят қилинади:

Абдуллоҳ ибн Умар розияллоху анҳумодан ривоят қилинади:

«Расулуллоҳ соллаллоху алайҳи васаллам билан бирга ўтирган эдик. Бир пайт ансорлардан бир киши келиб, у зотга салом берди. Кейин ансорий орқага юрган эди, Расулуллоҳ соллаллоху алайҳи васаллам: «**Эй ансорий биродар, биродарим Саъд ибн Убода қалай?**» дедилар. У: «Дуруст», деди. Расулуллоҳ соллаллоху алайҳи васаллам: «**Қай бирингиз уни кўргани боради?**» дедилар ва ўринларидан турдилар. Биз ҳам бирга турдик. Биз ўн неча киши эдик. На кавуш, на махси, на дўппи, на кўйлагимиз бор эди. Шўрхоқ ерларда юриб бориб, унинг олдига келдик. Расулуллоҳ соллаллоху алайҳи васаллам ва у зот билан бирга бўлганлар яқин келишлари учун қавми унинг атрофидан тисарилди».

Имом Муслим ривояти.

Шарҳ: Ҳадисдан олинадиган хулосалар:

- Саҳобалар Расулуллоҳ с.а.в. суҳбатларида бўлиб, динда фақиҳ бўлиш учун доим интилишар эди.

- Саҳобалар кийиниш ва овқатланишда зуҳд йўлини танлашган эди.
- Бошлиқ одам қўл остидагилар ҳолидан хабар олиб туриши.
- Расулulloҳ с.а.в. «Биродарим Саъд ибн Убоданинг аҳволи қандай?» деб айтиш билан унинг иймонда эканига гувоҳлик беришлари.
- Беморни кўргани бориш ва қолганларни ҳам унга тарғиб қилиш.
- Бемор ҳоли ҳақида сўралганида «Аҳволи яхши», деб айтиш маҳбублиги.
- Зиёратчиларга жойни бўшатиб бериш маҳбублиги.

Манба: hadis.islom.uz

